

巫山縣志卷六

山川志

蜀自岷山發源蜿蜒二千餘里奔赴於巫而雄傑靈淑之氣磅礴鬱結遂於巫山蒼萃焉而鍾其奇故其間嶽寄萬狀澎湃萬聲下至岡阜泉壑均有可紀者志山川巫山在今縣南隔江三里與南陵山竝列峻偉雄特屹立縣前卉木叢雜鬱鬱葱葱每逢雨後晴初蒼翠如畫真有兩山排闥送青之觀張九齡詩巫山與天近煙景常青熒卽謂此也一名巫咸山晉郭璞巫咸山賦堯時

巫山縣志

卷六

山川

一

巫咸沒葬於是山因以巫名名勝記謂形如巫字故名巫者非也

大巫山一名大丹山縣東三十里水經注江水東經巫峽杜宇所鑿以通江水中有大巫山非惟三峽所無圖經謂此山當抗峯岷峩偕嶺衡嶽凝結翼附並出青雲孟涂所處帝女居焉山海經夏后啟之臣曰孟涂司神於巴巴人訟於孟涂之所衣有血者執之寰宇記首尾一百六十里謂之巫峽明統志巫峽在巫山縣三十里卽巫山峽也與西陵昭峽并稱三峽

按三峽七百里間兩岸接連千尋壁立羣巖蔽日一
綫開天非亭午夜分不見曦月沈佺期詩巫山高不
極合沓壯奇新暗谷疑風雨陰崖若鬼神卽謂此當
夏水懷襄濤迴旋轉朝白帝而暮江陵共千二百里
祇聞兩岸猿聲不覺輕舟已過雖電掣飈馳不加迅
也春冬則碧湍靜浪清澄可鑑絕壁奇巘間倒懸怪
柏瀑布飛鳴聲如轟雷每當晴初月夜嘒猿舒嘯淒
切動人故峽中行者歌巴東三峽巫峽長猿鳴三聲
淚沾裳杜甫秋興詩巫山巫峽氣蕭森均指此也

巫山縣志

卷六

山川

二

川七

陽臺山城內北隅有山名陽臺舊址存焉按治北倚山
爲城雉堞環列林木蒸籠臺踞其上足資眺望今墾爲
田土阜僅存舊址併廢又舊志古陽臺在縣西里許最
高之處常有雲氣居民以爲雨驗李白文集注陽臺山
在縣西北高邱山亦在其間類書南枕大江宋玉賦朝
朝暮暮陽臺之下杜甫詩神女峯娟妙卽此處也
高邱山縣西北里許宋玉賦高邱之岵卽此李白文集
注高邱山在巫山之陽陳子昂感遇詩巫山彩雲沒高
邱正微茫一名高都山寰宇記巫山縣有高都山山上

有觀曰古高唐漁洋詩話云其西卽高唐觀也指此象鼻山縣東里許形若象鼻故名又名象山山麓名江東嘴山上有瑤華夫人祠卽今神女廟

驅熊山縣東三里一名筮篨山山形突兀莽蒼屹立峽口爲全川鎖鑰下卽筮篨沱灘江流至此一東湍急瀉迴聲如熊吼與濫瀨無殊

南陵山縣南隔江一名向南山舊南陵縣以此名入蜀記山極高大有一路如綫盤曲出絕頂謂之一百八盤今由建始正路也黃魯直詩一百八盤攜手上至今歸

巫山縣志

卷六

山川

三

夢繞羊腸

玉枕山縣東里許俗名土城包山上建有先農壇山麓卽演武廳山後產香草最佳

橫石山縣東十里有巨石臨江澗

女觀山縣北四里山半有石如人形相傳昔有婦人其夫宦蜀登山望夫因化爲石故名望夫石

寒山縣東五十里垂巖千層絕壁萬丈勢甚高寒荊州記云寒山九阪最爲險峻又名羊耳山

烏飛山一統志在縣東北寰宇記在縣西南六十里言

山高鳥飛不能越也

月明山縣西南三十里大江邊每月出此山先得月以高出眾山故也因名

大面山在月明山後

鳳凰山縣北三十里一名百文坡

千丈山縣東北一百里秀異高於眾山

白水山縣東一百里山出煤炭

五鳳山縣東北三里岡巒翹秀林木蒼鬱遙望之蔚如也頂上有秀峯寺故址

巫山縣志

卷六

山川

四

馬鬃山縣東六十里青山對岸

面頭山縣東南九十里

七頭山縣西南九十里

龜山縣東二里以形似得名

黃金山縣東北四十里其地產蕨

石柱山縣東九十里山屹立如石柱

上寶山縣東北七十里亦產蕨

石化山縣西南十里石色黝黑朝夕若轉丸略無止息
歷年山形無少虧下亦無積石

梓潼山縣東北六十里上有梓潼廟基

石神山縣東北六十里

豹子山縣東北六十里近大江

通城山縣西一百六十里明末大甯令岳震垓為譚賊所陷死之紳士率民兵千餘報仇與賊戰於此

摹旗山縣東一百里

刀子山縣西南一百四十里

栗子山縣西北一百五十里

米紅山縣東北三十里

巫山縣志

卷六

山川

五

雲步山縣南一百二十里崔巍聳秀陰雨時常有雲封行者穿雲而登故名

報風山縣西南一百里其山多風故名

馬鞍山縣西南八十里以形似得名

整甲山縣西南五十里俗傳張桓侯整甲之所下有桓侯廟基尙可考

飛鳳山廢大昌城北其形如飛鳳故名

磊頭山廢大昌東南二十五里

燈籠山縣東北一百六十里廢大昌東南六十里

來龍山縣北廢大昌南三里其左爲筆架山

石柱山縣東六十里廢大昌東七里有石筍約高百丈
闊三十丈上有池水不盈不涸

玉屏山縣北廢大昌縣南五十里

羊耳山縣北一百五十里廢大昌西南五十里兩峯並
立宛如羊耳

聚奎山縣北一百里廢大昌縣西南三里六峯攢聚

天賜山縣西北廢大昌西四十里有城連鳳嶺

金頂山縣北廢大昌東北四十里

巫山縣志

卷六

山川

六

川七

唐帽山縣北一百里廢大昌北十五里形如唐帽下有
泰山塘

紗帽山縣東一百十里

金頭山縣東北一百四十里廢大昌東北四十里山勢
高聳冬月積雪不消

天馬山縣北廢大昌西北里許形如奔馬

東高山縣北廢大昌西南二十里山頂有雪則兩邑得
雨無雪則雖雨亦不徧夏秋時覘之屢驗

九蒲山縣北廢大昌南里許

巫峯在縣東首尾一百二十里府志沿峽一百六十里
屹立江干所謂削出芙蓉也峽中有十二峯曰望霞其
峯特出霞彩輝映曰松巒古松蒼鬱曰朝雲每日常有
彩雲曰翠屏聳翠如屏曰集仙峯頂石列如仙相聚曰
聚鶴峯多松杉夜有鶴聚曰淨壇峯巒秀淨曰起雲其
峯常有雲氣騰起曰上昇其峯突兀勢若飛昇曰飛鳳
形如鳳翔曰登龍其形蜿蜒若龍騰霄漢曰聖泉峯頂
有泉清冽然十二峯不可悉見所見八九峯惟朝雲峯
最爲纖麗沈佺期詩巫山峯十二合沓隱昭回俯瞰琵琶

巫山縣志

卷六

山川

七

川百三十一

琵琶峽仰看神女臺蘇軾巫山賦峯聯屬以十二其九可
見而三不知望霞朝雲松巒集仙登龍聖泉六峯在縣
東四十五里北岸飛鳳翠屏聚鶴三峯在縣東四十五
里南岸淨壇起雲上昇三峯在南岸後山離江二十里
全蜀藝文志巫山十二峯在楚蜀之交余嘗過之舟
行迅疾不及登覽近巫山尹王道於峯端摹得趙松
雪詞十二首傳之其詞集中不載以樂府巫山一段
雲按之可歌也古傳記稱帝之季女名曰瑤姬精魂
作草實爲靈芝宋玉本此以託諷後世詞人轉加緣

飾茲邱壘矣重葩累藻不越此意余愛袁崧之語謂
秀峯疊嶂奇構異形木林蕭森離離蔚蔚乃在霞氣
之表仰矚俯睇不覺忘返自所履歷未始有也山水
有靈亦當驚知已於古矣尋此語意使人神遊八極
而脫然自濯於曄花温瑩之外暇日因錄松雪詞并
附袁語於後以洗名山之誣而識余未登之歎云
髻峯縣南隔江三里兩峯相對如髻
琵琶峯縣西南隔江五里方輿勝覽對蜀江之南形如
琵琶相傳此鄉婦女多曉音律

巫山縣志

卷六

山川

八

文峯縣東二里許卽驅熊山屹立峽口尖聳如文筆關
一邑文風故名絕頂有觀名曰文峯卽凌雲觀
美人峯縣東五十里有萬壘保障巫峽數字一名神女
峯

焦石巖縣東城外半里鎖大甯江口

烏飛巖縣西南六十里與燕子坡相對王十朋詩坡名
燕子燕思歸巖曰烏飛烏倦飛府志作爲飛鳥烏飛水
經其下

挂刀巖縣東七十里

洛門巖縣東北五里峭壁對峙若門大甯河水出其中
鷓子巖縣東十里

遇渡巖縣西五十里大江之北峭壁之下有石似猪
故名

薛家巖縣西南六十里

千丈巖縣西南一百五十里終年瀑布飛瀉如雨
滴水巖縣東北一百二十里

梯子巖縣東一百二十里峭壁層疊如梯故名
轎頂巖縣南一百二十里

巫山縣志

卷六

山川

九

寨子巖縣東北一百二十里層巖深穴民以為寨

觀音巖縣東北一百五十里

驅熊洞縣東北三里五鳳山後

五里洞縣東五里

響水洞縣東十里

七尺洞縣東南三十里

仙人洞縣南六十里青石河山行半里許洞口宏敞內
有石如人形孑然特立

驢子洞縣東六十里居民禱雨無不靈應

石倉洞縣北二十里深進數丈

清水洞縣東南里許

蓮花洞縣東一百里

烏龍洞縣東六十里洞中有水怒號但聞其聲不見其水居民禱雨輒應禱時見洞中有烏雲射空蜿蜒若龍立刻雨降

魚潛洞縣東九十里深潭內有紅毛魚天旱禱雨抱石擊之潭水上衝外溢即大雨

赤溪洞縣治西北二十里俗傳明正統土木之變此龍

巫山縣志

卷六

山川

十

保駕至天順初年賜金字匾額封為赤溪開府護國龍王凡遇天旱禱雨即應其水冬溫夏涼一日三潮辰午暮不愆期中有石形如犀牛背有自生石水田七坵深不可測洞門峭削如牆廣丈餘高二丈許人嘗擁火進厯頭二塘至三塘則愈深真仙境也俗呼為老龍洞國朝從祀東井寺縣令鍾望稟詳總督丁寶楨提奏

御賜五谿澤溥四字

朝陽洞縣西北三十里山形如獅洞即獅口深廣三四丈以洞門朝東故名萬厯間高僧如意修作梵刹今佛

像殿宇曾經改造

張老洞縣東一百十里

老君洞縣東一百四十里

十二洞縣南一百二十里峻巖上有方孔十二

三門洞縣東一百二十里

寶曇洞縣西南一百二十里洞深廣數十丈內有池水
有龍盤異跡其水冬煖夏寒

喊水洞縣南一百里山下八九里許有洞一喊出水故
名有人過此口渴需水向洞門疾呼水即出初出則濁

巫山縣志

卷六

山川

十一

移時便清

白龍洞縣東八十里高闊幽深水自洞出色白如銀俗
傳有白龍潛於洞中故名

觀音洞縣東北三十里山半一洞洞門高闊二丈餘深
廣五丈可容百數十人嘉慶年間避教匪於此

鎖龍洞縣西九十里亦作鎮龍洞

燕子嵌縣南二十里多蟄燕故名

龍公嵌縣東三十里

龍母嵌縣北三十里甯河兩岸二嵌相對

虎坐嵌縣西南四十里

火龍嵌縣南四十里

羊子嵌縣南四十里

黃金嵌縣東三十五里甯河由下經過石色如金故名
砂嵌縣東五十里甯河邊高闊幽深內有泉水

小龍嵌縣西南四十里嵌頂有石佛寺創自明正德四
年寺有石佛三尊高六尺許俗傳爲飛來佛

大龍嵌縣西南三十五里洞有清泉四時不竭

九水坪縣東一百二十里卽九湖坪通湖廣房縣界

巫山縣志

卷六

山川

三

關坪縣東七十五里

玉水坪縣東一百里

黎子坪縣東五里

羨耕坪縣東一百二十里

何家坪縣東二十里

馮家坪縣東四十里

趙家坪縣東二里

鉄鑪坪縣東六十里出煤炭

拜佛坪縣東八十里

楊柳坪縣南三十里

屯兵坪縣東六十里

安坪縣南十里

龍洞坪縣西南五十里峭壁之下擁一石臺約高五十餘丈闊亦如之狀若倒懸之蓮葉瓣分明下俯溪流上有小洞出泉甘冽冬溫夏寒恆以水之清濁卜天之晴雨

兔耳坪縣東南一百二十里

瑜昌坪縣西南四十里昔有村鎮今廢

巫山縣志

卷六

山川

三

沙羅坪縣西南六十里

栗子坪縣南六十里

三脚坪縣東南八十里

香石坪縣東南三十里

象鑼坪縣東八十里

水坪縣南六十里

關坪縣東七十里

紫鷺坪縣南一百二十里

拐夷坪縣南一百五十里其地為巴建巫三縣交界處

流石縣南城外大江邊屹然二石相連水淹其頂則瞿塘峽難行與濫瀕石相彷彿舟人以驗水候

梅花石縣南朽石灘下

母猪石縣南一百二十里抱龍河中石高丈餘長二丈許

聚寶石縣東南城外江邊舊名餓鬼石邑令楊日楚易以今名鑄於石水退時觀石邊沙之盈虛驗歲之豐歉刀背石縣東北二十里大江邊

蝦蟆石縣西十里許有石如蝦蟆形踞江北岸

巫山縣志

卷六

山川

古

青石縣東南四十里大江邊

雞心石縣東南四十五里

培石縣東南七十里大江邊

獅子石縣東北一百里

橫石縣東北二十里大江邊

磨刀石縣西北一百二十里

跳石縣東南十里大江邊

蓮花石縣東北五十里江干形如蓮花故名

四珠石縣東北五十里甯河邊石高丈餘俗傳上有寶

珠爲人竊去尙存四孔故名

羅盤石縣南一百二十里形如羅盤立於洲中見則年豐隱則歲歉屢應

貓子石縣南一百二十里石高丈餘形類虎蹲

牛角套石在青石大磨灘上如牛形不常出必水退極乃見見則年豐咸豐年間常見

雞冠嶺縣西六十里其山色赤酷肖雞冠

鳳凰嶺縣西六十里山形如鳳與雞冠嶺對峙嶺麓溪水環繞林樹參差森秀可觀

巫山縣志

卷六

山川

五

虎距埡縣東北一百八十里

煖水縣南城外大江邊聚寶石傍湧出方廣數尺天寒則水愈煖可以盥洗故名

月池水縣東一百二十里

三分水縣東北五十里大江邊自山根出水分爲三派其水俗傳以派之多寡驗年之豐歉上派驗滇南中派驗本省下派驗荆楚水盛則豐水枯則歉云

鴉鵲水縣北三十里百丈坡之頂俗傳古有神鴉引識此水卽城內西井之源

六水縣西四十里有石一塊出水六股

石漕水縣東北四十里

烏飛水縣西南四十里水經注烏飛水出天門郡漢中縣北流至沙渠縣南又北流經巫山縣南歷三道三百七十里注於江謂之烏飛口按沙渠卽今湖北建始縣也

大河卽大江西自奉節縣流入縣境經縣南門下東流下入湖北巴東縣界

小河卽大甯河由廢大昌縣遶縣治東南滙入大江昔

巫山縣志

卷六

山川

去

傳逆流遶至留石則有科甲之應屢驗

瀑龍河縣南一百二十里有十二洞下卽丙穴進十五里許大溪河復有一丙穴穴前有磯石跳牌夏日魚必由此入潭躍過者入深潭躍不過者咸伏牌下漁者利焉

龍洞河縣東八十里

指陽河縣南五十里

三岔河縣東北八十里小河中分三岔故名

清缸河縣東北九十里廢大昌縣東三十里河邊有石

如缸水泛時以缸中沙石多寡卜年歲豐歉

馬渡河縣東五十里其水難濟前明洪武間進取明昇馬騎兩路由此而渡遂名崇禎年間設上馬中馬下馬三隘

後溪河縣東五十里

私鹽溪縣東南小磨灘下

巫溪水經注巫溪水出晉興郡之宜漢縣東又南經大昌縣又經廢北井縣西東轉歷其縣有鹽井其水下通巫溪又南出經巫縣東合聖泉水又南入江府志謂之

巫山縣志

卷六

山利

七

昌江在縣西五十里流經鎮龍洞七里壩昌陽渡爲大甯河其險不下三峽

瓦窰溪縣東里許

茹溪縣東半里許源出近谷澄冽甘芳四時不竭戰國策莊辛曰蔡靈侯飲茹溪之水注曰巫山之溪是也明邑令張維任題曰源潔流芳舊志云間有患暑病飲之而愈者

磨刀溪縣東六十里

石漕溪縣東里許

白洋路溪縣東三里

清溪縣東南五里陸游入蜀記云縣有清水洞極深洞通山後色黯有水人不能入歲旱於此禱雨

萬流溪縣東六十里自湖北施南府恩施縣大溪河發源東流至萬流驛合於大江

柏子溪縣東北二十里

東坪溪縣東北三十里

木瓜溪縣東八十里

橫石溪縣東二十里

巫山縣志

卷六

山川

六

1108

鱖魚溪縣東九十里巴東交界

香溪縣南四十里

石柱溪縣西南一百里

堰頭溪縣南四十里

古水溪縣西南七十里

紫煙溪縣西南五十里

彈子溪縣西南六十里

三岔溪縣西南七十里

千丈溪縣西南一百二十里

雨陽溪縣北二十里

大溪縣西南九十里古名金沙灘卽明湯和征明昇屯兵處峽口有石刻云康茂才行兵到此現存尙有康公廟今廢入蜀記大溪出美梨大如升卽水經酈注烏飛水夔峽至此盡南岸曰門扇峽

官家溪縣北十里

小子溪廢大昌縣西五十五里

羊溪縣東北九十里廢大昌縣東十里水通甯河成化中通判王楨征石和尙戰死於此又嘉慶四年七月德

巫山縣志

卷六

山川

九

楞秦擒線號僞先鋒卜三聘處

百渡溪縣東五十里與羊溪相通

橋頭溪縣西北一百里

龍溪縣北一百五十里接大甯河

魚鱗溪縣北一百里

蝦蟆溪縣西一百里溪中生蝦蟆大如升故名

磨刀溪縣東七十里

馬渡溪縣北九十里

楚王池縣東北三百五十步水味甘美相傳楚襄王常

於此納涼故名池上有眉輿觀

黑龍池縣北七十里廢大昌縣南三十里半山中昔有龍乘雲而下山遂崩裂成一池故名

鴛鴦池縣東北七十里石砬山之左二池相並兩水交流如鴛鴦然故名

天池縣西五十里山頂上與奉節縣天池同名異地

白水池縣西北五十里俗傳嘗見一白鶴浴於水中色便白故名

楊柳池縣西三十里

巫山縣志

卷六

山川

三

仙女池縣北五十里廢大昌縣西南三十里相傳有女子澣衣於此須臾不見故名

千頃池府志在廢大昌縣西三十里波瀾浩渺分爲三道一東流經縣西爲井源一西流爲雲陽縣湯溪一南流爲奉節縣之西瀨水

石柱潭縣北三十里水從巖岫間湧出相傳爲龍湫禱雨卽應

白小湖洋路溪旁杜詩云白小羣分命天然二寸魚細微雷水族風俗當圓疏入肆銀花亂傾箱雪片虛生成

猶拾卵盡取義何如

龍王沱縣西南五里

安坪沱縣南十里

麥沱縣西北里許

疲佛沱縣西南四十里

篁篸沱縣東里許

指背沱縣南四十里

因杜詩有櫓搖背指菊花開之句故名

匡家沱縣西南七十五里

鍋籠沱縣東里許

巫山縣志

卷六

山川

三

均勻沱縣西北八十五里

南沱縣西南三十里

岫尺盤沱縣西南六十五里

沙烏沱縣東南三十里瀑龍河由此匯入大江

作魚沱縣東三十里

上烏沱塔沱寶沱三沱俱屬廢大昌縣由甯河遠巫城

匯大江

泗瀼縣西南七十里澗水橫通大江兩山對峙一名錯

開峽峽距大江五里有斬龍臺俗傳大禹錯開神之授

册始劈三峽

沙霧瀼縣東南五十五里瀑龍河由此匯入大江

蓮花灘縣東南二十里

跳石灘縣東南十五里相傳舊江北山頂有石跳落南岸至今險阻一作掉石

朽石灘縣南二里俗名羊圈子

筓篨灘縣東二里筓篨山下

橫石灘縣東二十里

大磨灘縣東北四十里

巫山縣志

卷六

山川

小磨灘縣東南四十里

香鑪灘縣東南八十里

鏡架灘縣西北里許

烏溪灘縣西北八里許

下馬灘縣西北二十里考鹽法志一名蝦蟆灘南爲將軍灘冬春時兩灘夾流水急浪大吼聲如雷

棟岡嘴縣西三十里

三纜子灘縣西北三十里灘水甚急上水船隻無從繫纜往往有失邑紳捐修石樁三株每大船繫纜者出錢

十二文作王爺廟香燈稟請有案

磨閣灘縣西北三十五里

虎鬚子灘縣西北七十里杜詩云瞿唐漫天虎鬚愁

乾焦灘縣西北四十五里

龍寶灘縣西六十里

繫枋灘縣西北五十里

李拐灘縣西北六十五里

金沙灘縣西九十里

鐵灘縣西南九十五里

巫山縣志

卷六

山川

三

大黑石灘縣西南一百里與奉節縣交界另有小黑石灘在奉節縣界內灘水夏秋甚險諺云灘瀕冒頂黑石下井言其險也吳船錄瞿唐峽中有黑石灘最號險惡兩山東江驟起水勢不能平也

老鼠剝灘縣東三十里

霸王鋤灘縣東三十五里

蒲柏子灘縣東四十里

九墩子灘縣西七十里

小木瀼灘縣東四十五里

黃金藏灘縣東八十里

祝家灘縣北甯河內

老雅灘縣東北

麻柳灘縣東北

紅石灘縣東北

長灘縣東北

李家灘縣東北

鉤鏈灘縣東北

苦草灘縣東北

巫山縣志

卷六

山川

十四

上摘耳灘縣東北

下摘耳灘縣東北

龍珠灘縣東北

青灘縣東北

龍王灘縣東北

磨閣灘縣東北

筍箕灘縣東北

周家灘縣東北

恆灘縣西北

鱒魚灘縣西北

洗米灘縣西北

洛灘縣西北

粗石灘縣西北

以上二十一灘自祝家灘起由甯河內遶巫城東匯
大江

新崩灘縣西七十里大溪口之下盛宏之荊州記沿江
峽三十里有新崩灘水經注此山漢和帝十三年巫山
崩晉太元二年又崩當崩之日水逆流百餘里湧起數

巫山縣志

卷六

山川

三

十丈今灘上有石或圓如簞或方如屋如此者甚眾崩
崖所隕致水怒流今頽崖所餘比之諸嶺尙爲竦桀

庫套子灘縣東四十里夔州府社樞修灘緯路記巫峽
庫套子險灘也凡夏秋水漲上則懸崖峭壁下則急浪
驚濤乘舟而來者率皆望洋阻矣乾隆庚申余攝夔篆
奉驛憲武公命履勘斯灘舟非緯不上緯非路莫行古
人雖除道短而窄往往有慮意外者請修治之未幾余
卸事回任竊有志焉而未逮也戊辰又攝夔篆商旅及
船戶水手僉曰巫峽庫套子最險乾隆七年驛憲捐費

興修迄今帆檣無恙靡不戴德惟上有巖頭一處再削六尺之危闕五寸之仄俾挽緯者益前進而用力乞轉請余思美弗彰盛弗繼司土者之過也毋庸請爰毅然重修估工八百捐金五十聊以體惠恤之政宏利濟之仁云爾工竣鑄於石曰乾隆七年十一月四川驛憲武公宏緒興修乾隆十三年九月署夔州府事杜樞重修知巫山縣事趙願敏桂藁先後監修

聖泉縣東北水經注巫縣東北三百步有聖泉謂之孔子泉其水清潔下注巫溪水宋王十朋集泉傍雖童子

巫山縣志

卷六

山川

三

亦知書

神泉出治東八十里拜佛坪西巖中久旱出洪水卽時必雨久雨出洪水卽時必晴

孝感泉縣西門外孝子王文義母墓前四時不竭

婆婆泉縣南三十里南陵山頂

湧泉在平天鋪側該地舊多火災邑令馮廷丕石刻二字以厭之

大小魚泉縣南一百二十里每春雷水泛魚貫而出條身細鱗味亦佳美

東井縣東城外里許創始無考乾隆四十六年重修其水清冽甘美甲於蜀東上有龍神祠仁泉寺左右榕樹交互葉密陰濃雖亭午不見日光炎天暑晚納涼飲水者絡繹不絕同治十二年邑令韓鑑吾名曰讓水鐫碑立於旁

西井縣西城內陽臺山麓源出鴉鵲水明嘉靖中名曰利澤泉本朝乾隆年間邑令錢基朱斐然先後重修更名朱公井其出流處舊祇鑿石爲龍口居民接汲恆多爭競道光三年冬邑令楊佩芝稔知未便爰傍龍口修

巫山縣志

卷六

山川

三

砌方池深廣可容數百石週圍護以石欄民稱便焉同治十二年邑令韓鑑吾易名廉泉撰立碑記光緒十九年邑令連山因規槽淤塞民汲不濟籌款從發源處逐節疏濬至龍口水仍通行無滯民以爲利

楊柳井縣西北一百一十里明萬厯間京師梓潼宮火變忽然大雨撲滅朝中異之令天師占照云係大昌縣楊柳井龍王救護遂遣官建廟勅賜金字匾曰萬化龍王

白淘井縣北一百四十里清水一潭四山倒影毫髮可

鑑東首一山尊嚴如佛羣山作羅拜狀每春水泛漲沙泥並入井不盈亦不甚洩可供吸飲

涼水井縣西北五十里

桂花井縣東里許玉枕山後

巫峽縣東三十里與瞿唐峽巴東峽並稱三峽

黃牛峽蜀中詩話蜀江三峽中波水圓折者曰盤音張

蟻黃牛峽詩盤過逆入嵌空地斷壁高分繚繞天

桃花溝縣南一百二十里出桃花魚碎小不大沿溝上八里許有大油杉樹蓋數百年物也

巫山縣志

卷六

山川

三

燕子坡縣西北六十里與烏飛巖相對宋范成大有詩

百丈坡縣北三十里一名鳳凰山

二里坡縣西北二十五里

大水坡縣東十五里在象鼻山後

黃荆坡縣西北城隅

向南坡縣南二十五里卽南陵山